

**PROME MINISTER A  
REUNI CU EMBAHADORA  
DI REINO HULANDES NA  
CARACAS**



**WWW.SOLODIPUEBLO.COM**



**SOLODIPUEBLO@GMAIL.COM**

# **RAAD VAN ADVIES TA PREOCUPA PA E CONSEQUENCIANAN DI AMIENDA DI MIKE & GERLIEN**

**UN FORMACION CU 2  
FORMADOR, SIN CONFIANSA,  
SIN SYNERGIA Y SIN POR  
PASA SCREENING**



**CASO STRAÑO DEN  
ORANAN DI MADRUGA  
NA WARDA DI POLIS  
ORANJESTAD**



**MINISTER MADURO  
HUNTO CU GOBERNADOR  
A YAMA E BARCO LOGOS  
HOPE BON BINI Y A HACI  
APERTURA DI E FERIA DI  
BUKI RIBA AWA**



# RAAD VAN ADVIES TA PREOCUPA PA E CONSEQUENCIANAN DI AMIENDA DI MIKE & GERLIEN

Si e cambio proponi den e amienda presenta pa Mike & Gerlien tuma lugar, e saldo di financiamiento di Aruba lo cay bao di 1,0% di PIB (Producto Interno Bruto) den 2025. Esaki ta un desaroyo cu por trece consecuencia serio pa e estabilidad financiero di pais Aruba.

Di acuerdo cu e Landsverordening Aruba financieel toezicht, e normanan di financiamiento mester keda totalisa riba e sector colectivo completo. Sinembargo, Raad

van Advies ta recomenda cu pa logra un sistema financiero sostenibel, e saldo di financiamiento di Aruba mes mester keda na un minimo di 1,0% di BBP. Pues cu e amienda, e resultado di pais Aruba mes lo bay cay bao di 1%, cual ta rece preocupacion pa estabilidad.

E posibel deficit mas halto ta indica un posicion financiero fragil, cu por resulta den mas restriccion riba gasto publico, incluso riba plannan pa desaroyo, inversionan i servicio gubernamental. Pa preveni problema

den futuro, Raad van Advies ta insisti riba e importancia pa mantene un margen financiero sigur, pa garantisar estabilidad den e gobernacion di e pais.

Gobierno mester tuma e recomendacionnan di Raad van Advies na consideracion pa evita risiconan financiero i pa segura un maneho sostenibel di e finanzas publiconan.

**Minister Maduro di Finansa y Cultura ta informa:**

## MINISTER MADURO DI CULTURA TA FELICITA CLARETTE QUANDUS CU SU BUKI NOBO “TRADICION DI FIN DI AÑA”



Minister Maduro di Finansa y Cultura ta presente na Biblioteca Nacional pa felicita e poeta y escritora

Clarette Quandus pa su publicacion di mas nobo, su buki “Tradicion di Fin di Aña.” E mandatario a hiba palabra pa gradici Clarette pa documenta informacion di Aruba su custumbenan y e hendenan tras di esaki den nos dushi idioma Papiamentu.

Den e buki por haya sa mas di e historia di e inicio di e Fiesta di San Juan y e canto di Dande na Aruba, specialmente den e distrito di Savaneta. Pa medio di varios entrevista cu Clarette a tene cu famia y conocir di esnan activo den e celebracionnan aki, awe por nos por conta cu un buki mas cu ta relata, conserva y duna honor na e historia di Aruba y su hendenan.





Parlamentario Dangui Oduber (MEP):

# UN FORMACION CU 2 FORMADOR, SIN CONFIANSA, SIN SYNERGIA Y SIN POR PASA SCREENING

Pueblo di Aruba ta sumamente preocupa cu e formacion di e gobierno nobo cu lo mester bay sinta. Ya caba a pasa mas di 100 dia y ainda no tin claridad y ningun indicacion ki dia e gobierno nobo lo bay sinta. Pueblo no solamente ta preocupa sino harta y fada pa e infantilismo cu ta existi den e formacion di e gobierno nobo.

## Desconfiansa den otro pero basta nan ta na poder

E formacion a cuminsa malo, nunca den historia ni na Aruba ni na Hulanda y den reino ora di forma un coalicion tin 2 formador. Aruba e bira e unico pais den reino cu na momento di forma un coalicion e auto tin 2 driver. E motibo pakico e auto tin 2 driver ta pa e desconfiansa cu ambos lider tanto Gerlien Croes como Mike Eman tin den otro. Ningun momento tawata tin un synergia y cada entrevista e ta mas cu obvio cu nan no ta confia otro pero pa nan e ta mas importante pa no laga MEP den gobierno.

E otro aspecto pakico formacion a tarda asina tanto ta pasobra ta bisto cu interes personal ta bay riba interes general. Con por ta

posibel cu a tarda mas cu 2 luna pa yega na un acuerdo di gobernacion y reparticion di carteranan. Awe formadornan kier culpa e proceso riguroso di screening pero nan mes a vota pa e ley aki y nan mes tawata sa cu e lo tuma mas tempo cu e screening anterior y asina mes nan mes NO por a yega na otro. A tuma mas cu 2 luna di tempo pa por a yega na otro y awor nos ta compronde ainda tin rancamento di ciboyo kende ta e candidato di AVP pa bira GevMin na Hulanda pasobra e candidato aki mester conta cu aprobacion di e di dos driver, esta sra Croes.

## Tawata tin of no tawata tin partijraad di Futuro?

Nos a mira tiramento di palabra di activistanan di AVP den direccion di sra Croes y te hasta por conclui cu el a bira basta mahos caminda insultonan basta pisa a cay! Nos a mira con lider di Futuro sra Croes ta bisa cu a tene partijraad y cu ta partijraad a dicidi cu Sra Desiree Croes NO por bira minister. Di otro banda miembro di Partido sra Muzanin Wever ta declara cu NO tawata tin partijraad, of en todo caso e no tawata invita, y cu



e NO sa mes cu sra Desiree Croes lo ta un candidato. Un gañamento sin fin y di e forma aki faltando respet pa pueblo, pa e proceso di formacion como tambe careciendo di sinceridad. Si na comienso caba ta cuminsa gaña y manipula pueblo ta kico ta spera nos mañan?

## Nos ta bay tin of no ta bay tin Gobierno?

Loke ta mas remarcabel awor ta e hecho cu tin candidato pa bira minister NO a pasa e screening. Consecuentemente e proceso lo bay tarda aun mas pasobra e candidato lo mester wordo remplasa pa un

otro candidato. Moral di e henter e formacion aki ta cu e formadornan a demostra incapacidad pa yega na otro, mas di 100 dia a pasa caba y e desconfiansa cu tin no ta duna un perspectiva positivo, no tin synergia entre e dos drivernan y candidatonan NO ta pasando e screening.

Tur esaki ta pone cu pueblo kier un eleccion nobo pa asina papia cla kende nan kier mira den gobierno. E formadornan a haya e oportunidad y nan a demostra cu nan NO por!

# RAAD VAN ADVIES: BAHÁ PRIJS DI GASOLIN NO TIN NINGUN GARANTIA CU PRIJS PA CONSUMIDOR LO BAHÁ

Raad van Advies a cuestiona seriamente e intencion di Mike cu Gerlien pa baha prijs di gasolin cu 10 cent. Nan tin duda si e beneficio financiero cu companianan lo haya, manera compania di transporte, via un reduccion di accijns, lo traduci den reduccion di gasto pa e compania aki y lo realmente lo traduci den prijs mas abao pa consumidor. Raad van Advies ta puntra si e medida aki lo tin impacto riba inflacion.

Ademas, no ta cla si a calcula cu e reduccion

di accijns por resulta den menos entrada pa gobierno via BBO.

Otro punto di preocupacion ta cu den e "memorie van toelichting", pues e nota informativo di e amienda, ta menciona cu e meta ta pa logra un nivel di inflacion "acceptabel", pero sin indica kico ta considera como un nivel acceptabel. Pues, por conclui cu e amienda ta un sorto di "hisa benta", ad-hoc, sin ningun estudio.

Raad van Advies ta recomenda pa por trece aclariacion den punto aki, pa splica mas con ta bay atende cu e puntonan cu tin duda





# NINETTE CROES TA EMPLEADO SUPERIOR DI ARUBA BANK

24 di maart 2025 - Ninette Croes ta empleado superior di Aruba Bank pa luna di februari 2025. Un empleado cu a demostra dedicacion y iniciativa sobresaliente, logrando asina e reconocimiento aki.

E compromiso di Ninette ta pa semper brinda un experiencia superior na e clientenan di Aruba Bank cu ta refleha e balornan di e banco. Su accionnan ta impacta e clientenan

positivamente y ta pone un standard halto pa e excelencia di servicio na cliente.


Ninette tin un gran pasion pa “crafting”, unda e ta expresa su creatividad y amor mientras e ta crea arte nan unico y inspirador.

Pabien Ninette pa ta un empleado ehemplar cu ta forma parti di Aruba Bank.



## ACCIDENTE NA SABANA LIBER UN NISSAN MURANO A REVERSE BAY DAL RIBA UN HYUNDAI SANTA FE

Diasabra madruga a drenta informe di un accidente na Sabana Liber, mesora a dirigi un patruya na e sitio. Na yegada di e patruya a bin compronde cu aki ta trata di un Nissan Murano cu tabata staciona y a reverse y un Hyundai Santa Fe cu tabata pasando riba caminda a pasa dal e na e porta. Afortunadamente ningun hende a resulta herida. Pero pa colmo e seguro di e Murano a caduca.



## HOMBER AGRESIVO Y ARMA CU CUCHIU NA PARADERA

Paradera - Diasabra marduga, algo pasa di 1'or varios unidad policial a bay un adres na Paradera. Eynan un homber lo tawata menasando hende cu cuchiu.

Na e sitio nos a compronde cu homber supuestamente arma cu un cuchiu den man kier a forsa drenta e cas, pa e regla cuenta.

Polisnan cu cuidou a cuminsa busca rond y hasta den un cas bandona cerca pero ta muera cu e homber lo a bay di e sitio prome polis a yega.





# Prome Minister Evelyn Wever-Croes: PROME MINISTER A REUNI CU EMBAHADORA DI REINO HULANDES NA CARACAS



Dialuna mainta 24 di maart, Prome Minister Evelyn Wever-Croes a reuni cu Embahadora di Reino Hulandes na Caracas, señora Carmen Gonsalves.

Prome Minister a splica cu e Embahadora a pidi pa reuni desde un tempo caba pero e no por a sali facilmente di Venezuela pa atende cu e islanan. Apesar cu ainda no a forma un gobierno nobo na Aruba, Prome Minister ta sigui atende reunionnan cu ta di gran importancia pa Aruba. E relacion entre Aruba y Venezuela ta uno importante, pero debi

na e crisis humanitario, violacion di derecho humano y e crisis politico cu tin na Venezuela, e relacion entre e dos paisnan ta bou presion. Pa e motibo aki e Embahada di Reino Hulandes na Venezuela, representa pa señora Gonsalves, tin un papel importante pa Aruba.

## Cierre Frontera

Durante e reunion a toca hopi tema importante. Un di nan a trata e e cierre di frontera. E frontera ta cera pa diferente motibo y departamentonan di pais Aruba ta trahando nan consejo riba esaki. “Mi



a scucha cu partidonan den formacion kier habri frontera mes ora, pero prome cu esey ta importante pa tene cuenta cu diferente aspecto. Pero tur esey mi lo traspasa na e Minister President nobo ora e formacion keda cla”, Prome Minister a indica.

## Desicionnan di Gobierno di Merca

Tambe a elabora riba e impacto di e desicionnan di Gobierno di Presidente Trump di Merca. Por ehempel di e cancelacion di e licencia di Chevron pa opera na Venezuela y ki impacto esey lo por tin pa Aruba.

A papia riba varios otro tema mas cu ta importante pa Aruba manera e relacion comercial entre Venezuela y Aruba. Tambe e Embahadora a indica cu na Venezuela tin hopi interes entre personanan cu kier bin Aruba y esey ta algo pa Aruba tene cuenta

cu ne.

Na final di e reunion Prome Minister a regala e Embahadora e shaal cu un diseño di e mata di kibrahacha y a splik’e cu esaki ta un mata hopi fuerte y e ta regala e shaal aki na hende muhenan fuerte reconociendo e forsa di e kibrahacha den nan.

Di su parti e Embahadora e gradici Prome Minister pa tureañanandicooperacion cu e Embahada y pa su rol den e Internationaal Feministisch beleid unda Prome Minister a tuma posiconnan fuerte riba

nivel internacional pa tur hende muhe na Aruba y den Reino.

“Ta importante como Gobierno pa tin bon relacion cu Embahadornan specialmente den nos region. Asina ora di tempo dificil y bou hopi presion, esey ta e liña di comunicacion cu bo tin cu e pais, den e caso aki Venezuela. E tawata un bon reunion y mi ta hiba tur e puntonan riba loke nos a reuni awe den mi documento di transicion pa asina transmiti esaki na e gobierno nobo.”, Prome Minister a indica.

**Clasificados**





**SOLODIPUEBLO@GMAIL.COM**  
**CEL. 585 9500**





# CASO STRAÑO DEN ORANAN DI MADRUGA NA WARDA DI POLIS ORANJESTAD



Dialuna madrugada a drenta informe unda cu polis ta pidi ambulans na warda di Oranjestad, mesora a dirigi un ambulans na e sitio.

Na yegada di e ambulans a bin compronde cu un muher di mas o menos 40 aña ney a yega na e warda y cay flauw y perde conocimiento. E personal di ambulans nan a atende y a transporte pa hospital.




## ACCIDENTE NA TANKI LEENDERT CAUSA PA DOS CHAUFFEUR BURACHI



Tanki Leendert - Diadomingo anochi polis y ambulance a bay poco pabou di rotonde di Tanki Leendert pa un accidente di trafico.

Polis a yega y a bay atende cu e chauffeurnan, ambos a resulta di tawata stuur bou influencia.

E autonan involvi ta un Ford maneha pa e cabayero y e otro ta un Renault maneha pa un dama. Na e sitio nos a compronde cu e Ford tawata bayendo direccion pariba, y a haya confronta cu e Renault pa



su mala suerte.

Segun version, e lo a trata na evita e boksmento.

Ambos a wordo deteni, unda cu polis mes lo a

transporta e cabayero pa warda, mientras ambulance a yega pa controla e dama.

Ambos auto no tawata tin seguro valido.





# CHAUFFEUR BURACHI DETENI DESPUES DI A ACCIDENTA RIBA CURA DI MISA NA ROTONDE BANDA DI F.T.A.



Dialuna madruga a drenta informe di un accidente na e rotonde banda di F.T.A., mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu e chauffeur burachi di un auto KIA a perde control baha caminda y a bay dal riba e cura di un Misa. Ora polis a bay test e chauffeur esaki a resulta malo p'e y polis a detene.

## AUTO A BAY PEGA DEN HEKI Ariba SCHOTLANDSTRAAT



Schotlandstraat - Diabierna anochi polis a bay poco pura Schotlandstraat, poco panort di rotonde di Ling&Sons pa un auto cu lo a bolter. Na yegada polis ta constata cu ta trata di un auto so, cu pa un of otro motibo a bay pega den un heki eybanda. Den auto un persona lo a resulta herida y tawata necesario pa pidi pa un ambulance. Ambulance a presenta y Paramediconan a atende cu e persona. E area ey, ta uno conoci pa sorto di accidente nan asina ey, velocidad halto y e bocht ta un hunga un rol.



### Corte di Prome Instancia 17 april 2025

| Horario | Sospechoso | Acto Castigabel   |
|---------|------------|---|
| 09.45   | K.E.S.     | S. ta wordo acusa di ladroncia di un auto riba 22 di september 2023.  |
| 10.00   | A.F.K.     | K. ta wordo acusa di a estafa un persona riba prome di september 2024 y pone paga un ticket di avion pe, dor di gañe via Facebook Messenger cu ta cu su mes ruman e ta tratando.  |
| 10.40   | C.G.J.M.   | J.M. ta wordo acusa di exportacion di cocaine riba 24 di oktober 2024.  |
| 11.00   | R.M.B.G.   | B.G. ta wordo acusa di a menaza un persona cu morto riba 8 di februari 2025 y di a destrui su porta.  |
| 11.30   | M.C.K.     | K. ta wordo acusa di a menaza un persona cu morto riba 26 di mei 2023 y 20 di december 2023 dor di mand'e por escrito: <i>"Bo dianan ta conta, bo spirito ya ta morto den mi man"</i> y <i>"Sefta mi tey sefta bo"</i> y <i>"Na pida pida"</i> y <i>"Mi no por let this go mas, bro, I need to get rid of you for good and I will"</i> y <i>"Death for my part"</i> . |
| 11.45   | J.E.L.     | L. ta wordo acusa di ladroncia di un carchi di banco y un suma di 1500 florin den e periodo di 27 pa 29 di juli 2024.   |
| 13.30   | J.A.B.M.   | M. ta wordo acusa di a destrui un porta riba 26 di oktober 2024 y di a menaza un persona cu morto dor di bise: <i>"Mi ta mata boso tur"</i> .<br>E ta wordo acusa di a maltrata su mes tata riba 26 di oktober 2024 dor di choke mas biaha den un klem di elleboog.   |
| 14.30   | A.N.H.     | H. ta wordo acusa di a comete violencia den publico riba 27 di oktober 2024, dor di dal un persona cu mokete y scop den cara riba parkinglot di un supermercado.<br>D. ta wordo acusa di a maltrata un persona cu un arma (un boter di cervex) riba 27 di oktober 2024, dor di dal e varios biaha cu e boter na su cabez.   |



# FUNDACION CENTRO PIEDRA PLAT TA RANCA SALI CU “LET’S ACT” CU LESNAN DI ARTE, MUSICA, ACTUACION, CANTO, BAILE, PINTURA Y COSEMENTO



programacion, Sra. Lila Bislick ta splica.

Cu e Fundacion tambe ta enfoca pa promove Aruba su cultura, su musica folclorico y tur fecha nacional ta forma parti di nan programa anual. E lema ta: Siña Musica y Bira Mas Creativo. Musica tin un impacto positivo y ta inspira bo den hopi areanan den bo bida. Nos ta duna les di: Piano, Guitara, Baho, Drums, Cuatro, y Canto.

E lesnan ta programa pa cuminsa na luna di april y referente esaki lo tene un “Atardi di informacion” pa presenta e diferente disciplinanan na interesadonan y unda nan por registra mes ora pa forma parti di e bunita jornada aki cu lo clausura na luna di november, sigui pa un grandioso presentacion teatral musical durante e dushi luna di december cu su ambiente di pasco criollo.

E atardi di informacion lo tuma luga dia 29 di maart 2025 pa 2:30pm



Den cuadro di participacion na proyecto Let’s Act di Cede Aruba, Fundacion Centro Famia Piedra Plat cu tin como meta, pa sirbi e barrio di Paradera / Piedra Plat y bisindario ariba un base comunitario, educativo y social, ta lansa un coleccion nobo di lesnan di arte, musica, actuacion, canto, baile, pintura y cosemento, pa participantenan di edad 6 aña te cu 60+. O sea, tur edad ta Bon Bini. Tur

hende mester por haña e oportunidad igual pa desaroya su talento.

“Fundacion Centro Famia Piedra Plat no ta dedica solamente na mucha y hoben, pero nos ta consciente cu tin necesidad specifico cerca cada miembro di famia y nos kier duna e yudansa necesario pa fortalece e circulo familiar y pa asina mantene semper un dushi ambiente na cas,” lider di

di atardi na Fundacion Centro Famia Piedra Plat situa na Piedra Plat # 50. Pa mas informacion por tuma contacto via number di celular / whatsapp +297 6995545 of via email [centrofamiapp@gmail.com](mailto:centrofamiapp@gmail.com).


Fundacion Centro Famia Piedra Plat kier anima grandi y chikito pa pasa bishita nan “atardi di informacion” pa haya sa un tiki mas tocante e lesnan ofreci y registra.





Minister Maduro di Finansa y Cultura ta informa:

# MINISTER MADURO HUNTO CU GOBERNADOR A YAMA E BARCO LOGOS HOPE BON BINI Y A HACI APERTURA DI E FERIA DI BUKI RIBA AWA



Algun dia atras, Minister Maduro di Cultura tabata tin e placer pa hunto cu Gobernador Alfonso Boekhoudt, yama e barco Logos Hope bonbini na Aruba.

Pa e ocasion special aki, Minister Maduro a hiba palabra pa yama bonbini y gradici e Capitan, Director y ful e tripulacion di Logos Hope, pa e bunita trabou di mantene un feria di buki riba e barco cu ta biaha pa diferente Pais hibando e sabiduria, yudansa y

speransa cu e palabra di Dios ta trece cune.

Minister Maduro hunto cu Gobernador, e Capitan y e Director di e barco Logos Hope, a corta sinta pa haci e apertura oficial di e feria di buki riba awa.

Despues a sigui un recorido den e libreria unda por a aprecia e coleccion di buki cu lo ta disponibel na un prijs reduci pa e bishitantenan di e barco Logos Hope.





# A KITA PA NO DAL TRAS DI AUTO A RASPA ESAKI TOG RANCA PALO DI SOSTEN Y DRENTA MONDI



Diadomingo mainta a dreña informe di un accidente na Brasil, mesora a dirigi un patrúya na e sitio. Na

yegada di e patrúya a bin compronde cu aki ta trata di un accidente unda cu e chauffeur di un Toyota Yaris stationwagon no a

ripara cu un Nissan March su dilanti a bay bira y como cu e no a regula su velocidad ni a mantene distancia pa no dal su tras



a dicidi pa hala na man robes.

Pero a pasa raspa e auto

toch dal un palo di sosten y a bay para den mondi. Afortunadamente ningun hende a resulta herida.

## ACCIDENTE SEMI-FRONTAL NA PRIMAVERA



Diadomingo atardi a dreña informe di un accidente semi-frontal na Primavera, mesora a dirigi un patrúya na e sitio.

Na yegada di e patrúya a bin compronde cu aki

ta trata di un accidente semi-frontal entre un Hyundai Getz y un Toyota Mark X unda ambos auto a dal banda di otro.

Afortunadamente ningun hende a resulta herida den e accidente aki.



# Pa mantene e identidad di nos pais: CENTRO DI BARIO NOORD TA LANSA LESNAN DI TEATRO, CANTO, CUARTA Y BAILE FOLKLORE



ORANJESTAD - Den Noord su participacion cuadro di Centro di Bario pa proyecto di "Let's

Centro di Bario Noord ta pa trece e pueblo di Noord hunto, den cuadro di esaki nos ta organisa actividad, proyecto y charla riba diferente topico y pa diferente edad, pa asina cumpli cu nos objetivo," lider di programa, Sra. Ligia Croes ta conta.

E lesnan lo cuminsa na luna di april y lo continua te cu luna di november, clausurando cu un tremendo presentacion unda participantenan lo presenta nan obra den luna di december.

Detaye pa e lesnan ta lo siguiente:

Canto: diamars 1 di april 2025 di 5:00pm - 6:30pm, pa hobennan di 12 - 18 aña  
Teatro: diaranson 2 di april 2025 di 5:00pm - 6:30pm, pa hobennan di 12 - 18 aña

Baile Folklore: dialuna 7 di april 2025 di 5:30pm - 6:30pm, pa muchanan di 7 - 12 aña

Cuarta: dialuna 7 di april 2025 di 5:00pm - 6:30pm, pa muchanan di 7 - 12 aña

"Aparte cu e diciplinanan



aki ta trece union den nos comunidad, baile y arte tin hopi beneficio den e desaroyo di nos muchanan/hobennan. Envolve muchanan den arte, baile, musica, teatro ta mehora desaroyo, fortalece auto-estima, alimenta creatividad y mehora habilidadnan social. Nan ta custumbra traha den ekipo, desaroya habilidad di liderazgo, como tambe diciplina."

"Nos di Centro di Bario Noord, ta encurasha hobennan pa bin y participa pa asina desaroya nan talento y creatividad. Registracion mester tuma luga sea via whatsapp 5682935 of tambe por via email: [ligiaplcbn@gmail.com](mailto:ligiaplcbn@gmail.com)." Ultimo dia pa registra ta dia diasabra dia 30 di maart, 2025.





# CHAUFFEUR A DRENTA PANICO ORA A WAK ABEHA DEN AUTO ELA BAY DAL SEMI FRONTAL RIBA AUTO CONTRARIO



Diadomingo mainta a drenta informe di un accidente cu hende herida dilanti di Imelda Hof na Boegoeroei, mesora a dirigi tanto polis como ambulans na e sitio. Na yegada di e patruya a bin comprobe cu un abeja

a aparece den e auto Mitsubishi Lancer cual a pone e chauffeur drenta panico kita na man robes y ela bay dal semi frontal riba un Nissan Versa di trafico contrario.

E impacto a desvia e

Lancer sigui bay banda robes subi acera y pega den poco cadushi. Den e impacto aki e chauffeur di e Lancer a resulta levemente herida. Na yegada di e ambulans nan a atende y a transporte pa hospital.

## Paga bo cuenta online ta facil

Sea  
Abonnement  
of Aviso



Pago online,  
facil y lihe

Pa hasi pago online pone nomber y adres na  
cuenta di banco RBC Sunmax Printing  
account # 7700000100152447



# Película 'E BRUHA BRUHA' den cinema



Fin di maart '25, Desiree Croes di Berea Productions y cu cameranan di Semi Chahmi di Chahmi Film Studio, lo ta lansando na Aruba, e produccion nobo titula 'E bruha bruha'.

E storia ta saca y adapta for di e cuenta cortico di Desiree Croes den su buki "No Mas" (2016).

E actornan principal di e pelicula ta Desiree Croes (Genoveva), Addonsito Croes (Francis), Yvonne Tromp (Dudu), Yolanda Croes (Margarita), Mirtho Tromp (Gabriel) y Nigel Maduro (Indjan).


Den e pelicula



largometrahe aki bo tin cu puntra bo mes constantemente kico bo lo haci si otro hende cu poder kier kita bo cas for di bo. Dia 27 di maart 2025, ta e estreno y e siman siguiente publico por bishita e pelicula den cinemanan local.



# Filomena College ta gradici tur alumno cu a bini opendag 2025



encarga cu e parti di brinda informacion na e mas cu 100 persona presente. Directorado ta gradici un y tur pa a haci e dia

asina exitoso. Filomena College MAVO ta sigui disfruta di ta un scol cu ta masha gusta pa mayor- y alumnonan na Aruba.

Compañá pa nan mayor- y famia, un grupo grandi di alumno a asisti na Filomena College MAVO (FCM) su opendag 2025. E dia tawatin como tema “Destination Filomena MAVO” y e lesnan presenta a representa varios pais rond mundo. E invitacion tawatin tambe e forma di un boarding pass. Paisnan presenta tawata e.o. Aruba, Hulanda, Hapon y Merca. Como cu FCM ta promove e mundo creativo di arte, den e lesnan brinda, arte a sobresali.


Destinacion Hapon tawatin hasta un curso

culinario caminda maestro Jennely Heiliger, hunto cu alumno Eri, a presenta e pasonan pa traha “sushi”. Pa destinacion Aruba, e maestronan Mariela Carrion y Addonsito Croes a presenta un Quiz cu frasenan tipico Arubano caminda algun grupo a resulta ganado. Pa CKV maestro Daisy Franken, a presenta e arte Romano di mozaik cu papel di diferente color. Den wiskunde, maestro Panthoflet a siña cada alumno con pa traha nan mesun Kubus. Maestronan







Joan,



Aroeman y Farro a bay den e mundo di science, Mericano, siñando e muchanan con pa produci coriente. Maestro Leocadia a



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - March 24, 2025

|  |   |   |   |   |
|--|---|---|---|---|
|  <p>Sorteo # 4573</p> <p>1785</p> <p>1729</p> <p>8310</p> <p>MULTI X</p> <p>X2</p> <p>BIG 4</p> <p>Sorteo # 4573</p> <p>0198</p> <p>MULTI X</p> <p>FP</p> <p>10FF</p> <p>Sorteo # 2629</p> <p>6207</p> <p>ZODIAC</p> <p>Sorteo # 4573</p> <p>2786</p> <p>Cancer</p> <p>LUCKY 3</p> <p>Sorteo # 1447</p> <p>143</p> <p>MULTI X</p> <p>FP</p> |  <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p> <p>Joker Letter</p> <p>Proximo Jackpot</p> <p>220.000,-</p> |  <p>Sorteo #</p> <p>0 x Jackpot</p> <p>0 x Match 4</p> <p>0 x Afl. 8,00</p> <p>Proximo Jackpot</p> <p>55.000,-</p> |  <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p> <p>Mega Ball</p> <p>Proximo Jackpot</p> <p>310.000,-</p> <p>Afl. 440.000,-</p> |  <p>Sorteo #</p>  |
|--|---|---|---|---|



# ESNAN CU A DIVORCIA Y TA BIBANDO CU OTRO PERSONA DEN ADULTERIO Y NAN TA KERE CU NAN TA SALBA

Bo no sa, cu unabes cu bo ta casa pa Dios den e Sacramento di Matrimonio, bo ta keda casa pa Dios te na morto y Dios no ta reconoce divorcio. Awor, si bo ta un hende divorcia y bo ta biba cu otro, anto ta con bo por yama bo companjante bo esposo of bo senjora maske cu boso ta casa pa raad? Bo no tabata sa cu bo ta bibando den e pika condenabel di adulterio? Bo sa cu e pika di adulterio ta condenabel pa Dios y na tur esnan cu a muri den nan pikanan di adulterio, nan lo no drenta den e Reino di Dios y nan destino lo ta den fierno of den purgatorio. Bo mester compronde cu e di 6 Mandamento di Dios Tata ta bisa bon cla: “Lo bo no comete e pika di adulterio.” Lesa den Bijbel Mateo 5: 32, na unda Senjor Hesus ta adverti bon cla: “Ami ta bisa boso: Ken cu divorcia di su senjora, si no ta pa motibo di infielidad, e ta pone su senjora comete adulterio. Es cu casa cu e senjora divorcia, e tambe ta comete adulterio.” Akinan nos por compronde bon, si un homber divorcia di su senjora, anto e ta provoca cu e senjora ta bay busca un otro persona pa biba cun’e den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia. Y tambe e homber ta keda responsabel di su senjora cu ta bay perdi den e pika di adulterio.

Na e dia di huicio dilanti di e tribunal di Dios Tata, e homber y e muher tin di duna cuenta di nan actonan di divorcio y di adulterio.

Lesa den Bijbel Marko 10: 6-9 : “Na principio di creacion, Dios a traha homber y muher, p’esey e homber lo laga su tata y su mama pa e uni cu su muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende separa.” Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio y e pareha mester keda uni te na morto, maske cu nan a divorcia pa raad.

Dia cu bo a casa den e Sacramento di Matrimonio den Misa pa Dios, bo no a huramenta pa Dios dilanti di altar, cu bo lo keda fiel den bon tempo y den tempo di adversidad, den tempo di abundancia y den tempo di pobreza, den tempo di

salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

Awor mi ta puntra bo, ta na unda bo huramentonan a keda dilanti Dios? Laga nos lesa den Bijbel Mateo 5: 33, na unda cu Senjor Hesus ta bisa tocante huramento : “Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senjor.” Akinan, bo no a huramenta dilanti di Dios den Misa, di keda hunto y fiel cu bo pareha te na morto? Den Bijbel Huan 4: 5-42, akinan nos por lesa, ora cu e muher Samaritana a pidi Hesus p’e haya e awa di bida eterna, p’e no haya sed di awa nunca mas, anto Hesus a bise, bay busca bo esposo y bin cun’e cerca Mi. E muher Samaritana a bisa Hesus, mi no tin esposo, anto Hesus a bise’le, bo tabata tin 5 homber y e homber cu bo ta bibando cun’e awor, no ta bo esposo. Akinan nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senjor Hesus ta bisa na tur esnan cu a divorcia y ta bibando den e pika di adulterio, pa nan bay busca nan senjora of nan esposo cu Dios a uni nan den e Sacramento di Matrimonio, pa e pareha cu a divorcia por ta salba di e condenacion den fierno. Bo no tabata sa, si bo muri den bo pika di adulterio, bo no por drenta den e Reino di Dios. Lesa den Bijbel 1 Corinthionan 6: 9 y 10: “Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, ni esnan den adulterio, ni e homosexualnan, ni e ladronnan, ni e burachenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios.”

Tambe den Bijbel Testament Bieuw Levitico 20: 10, na unda cu Dios Tata ta bisa: “Si un homber ta comete adulterio cu un muher casa di su prohimu, nan dos lo muri, e adultero y e muher adultera.” P’esey cambia boso bida prome cu ta laat, pa boso no ser condena den e candela di fierno despues di morto.

# SUDOKU

|   |   |   |   |   |   |   |   |   |
|---|---|---|---|---|---|---|---|---|
|   | 3 |   | 2 |   | 9 |   | 7 |   |
| 9 |   |   | 4 | 1 | 3 |   |   | 8 |
|   |   | 1 |   | 7 |   | 3 |   |   |
| 7 | 1 |   |   | 4 |   |   | 9 | 5 |
|   | 8 | 6 | 9 |   | 7 | 4 | 3 |   |
| 5 | 9 |   |   | 2 |   |   | 8 | 7 |
|   |   | 8 |   | 6 |   | 9 |   |   |
| 6 |   |   | 1 | 3 | 2 |   |   | 4 |
|   | 4 |   | 8 |   | 5 |   | 6 |   |

|   |   |   |   |   |   |   |   |   |
|---|---|---|---|---|---|---|---|---|
|   |   | 6 | 7 |   | 4 | 9 |   |   |
|   | 5 |   |   | 6 |   |   | 8 |   |
| 2 |   |   |   |   |   |   |   | 5 |
| 3 |   |   |   |   |   |   |   | 1 |
| 1 |   |   |   |   |   |   |   | 2 |
|   | 8 |   |   |   |   |   | 3 |   |
|   |   | 7 |   |   |   | 6 |   |   |
|   |   |   | 3 |   | 9 |   |   |   |
|   |   |   |   | 8 |   |   |   |   |

|   |   |   |   |   |   |   |   |   |
|---|---|---|---|---|---|---|---|---|
|   | 7 |   |   | 6 |   |   |   | 9 |
| 6 |   |   | 5 |   |   |   | 8 |   |
|   |   | 4 |   |   |   | 7 |   |   |
|   | 3 |   |   |   | 6 |   |   |   |
| 2 |   |   |   | 5 |   |   |   | 8 |
|   |   |   | 4 |   |   |   | 1 |   |
|   |   | 3 |   |   |   | 4 |   |   |
|   | 2 |   |   |   | 7 |   |   | 3 |
| 1 |   |   |   | 8 |   |   | 2 |   |



# FORTALEZA PA FAMILIA

Scirbi pa Pastor Marcel Balootje.

## HENDE AROGANTE TA RESISTI CORECCION

Ta for di chiki, mayornan tin cu tene bon cuenta pa arogancia nos gara curason di nan yuinan.

Hopi biaha bo ta tende hende ta bisa, cu mi yiu tin un karakter fuerte, e no ta tolera, e no ta tuma nada na man di ningun hende, y hopi ta kere cu esey ta bon, pero sin realisa cu ta arogancia ta domina.

Un hende arogante semper kier tin rason, su bos mester ta mas halto cu tur hende, e no ta respeta, locual e bisa ta asina ta, e no tin respet pa palabra di Dios.

Su orguyo ta sali padilanti cada biaha, pasobra orguyo y arogancia ta cana hunto y Dios ta rechasa tur locual ta orguyo, pasobra orguyo tin rais diabolico.

Un hende arogante ta cay facilmente den inmoralidad, pasobra e ta kere cu tur cos por, y

ta wak riba otro hende, bisando cu dicon mester wak e so, y compara cu otro hende tambe ta haci mesun cos, y ta bisa cu si nan por e tambe.

Tin cuestion di prestigio, un cuestion di competencia, aunke ta den cosnan malo toch, e ta pretende cu e ta bon, por ehempel, hende arogante no ta worry pa cana cu arma, pasobra e ta bisa cu si otronan por cana cune, e tambe por cana cune, esey ta un ehempel hopi conoci.

Ora purba coregi e persona e ta bisa bo, bo cuanto hende ta cana cu arma dicon ta riba mi so bo ta wak, dicon ta mi so nan tin cu wak.

Mescos cu arogancia y perversidad a drenta den e moda y bistimento, pasobra si bo kier coregi un persona arogante cu su bisti no ta decente, e ta

bisa bo ta moda.

Hopi hende arogante no ta tuma coreccion, nan ta usa un versiculo biblico bisando: esun cu ta sin pica tira e prome piedra, esey ta un defensa arogante pa nan continua den nan bagamunderia.

Of pakico bo ta wak e splinter den mi wowo y bo no ta wak e balki den di bo, esey ta un contesta arogante, pa bisa un hende keda keto, no bisami nada, pasobra bo no ta mihor

cumi, pero tur esey ta bini ora un persona ta arogante y ta resisti coreccion.

Orguyo ta bin prome cu destruccion, y un spirito arogante prome cu caida. (Proverbionan 16:18).

Tur escritura ta inspira pa Dios, y ta util pa sinansa, pa reprimimento, pa coreccion, pa educa den husticia, pa e hende di Dios, por ta perfecto, ekipa pa tur bon obra. (2 Timoteo 3:16-17).

E a bisa; Loke ta sali for di hende, esey ta locual ta contamina hende. Pasobra for di paden, for di curason di hende ta, sali mal pensamiento, fornicacion, ladronisia, matamento, adulterio, echonan di cudishi, y maldad, tambe enganjo, sensualidad, envidia, calumnia, orguyo y bobedad, Tur e maldad nan aki

ta sali for di paden y ta contamina hende. (Marco 7:20-23).

Hende arogante hopi biaha ta confia den rikesa, y pesey hopi biaha nan ta discrimina, y abusa di otro hende, pasobra nan tin placa y ta kere den poder di placa, y ta lubida cu ta Dios tin e ultimo palabra den bida di tur hende, pasobra nan no ta realisa cu poder di placa ta limita, ma poder di Dios ta eterno.

Un mucha lanta den arogancia, ta cuminsa sera porta den su bida, for di su infancia, ya cu arogancia y falta respet ta un combinacion cu diabel a traha pa mantene hende den scuridad, y nos tur sa e consecuencia ora un palo mester crece dobla, sin ningun clase di sosten.

Arogancia no ta bini di Dios.

## Oracion di dia

### Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec." (Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.

Amen

## Clasificados



**SOLODIPUEBLO@GMAIL.COM**  
**CEL. 585 9500**

